



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Capitvlo Patracensi.

**urn:nbn:de:hbz:466:1-20020**

variantem non repellit, & consilium non alpernatur mutantis. Sic autem tertiae ac quartae objectionibus est responsum, quod non debet Gurcen. Ecclesia servitutis confessio præjudicium generare: quia si de jure communi habere debeat liberum de illo qui est ei præficiendus judicium, & contra hujusmodi libertatem sic servitutem confessa, juris civilis auxilio suffragante, quod vult liberum hominem servum per confessionem non effici servitutis, non est ipsi libera electio adiuncta, adjungens quod post translationem ad Maguntin. Ecclesiam Archiepiscopi memorati, Gurcen. Ecclesia dicto prædecessori nostro Lucio Papa III. quando potuit reclamare, super violentia exposuit questionem, sed ipse, sicut in privilegio quod super electione, institutione, consecratione Gurcen. Episcopi fel. rec. Alexander Papa II. dicebatur Salzburgensi Ecclesia concessisse, ita & in sententia circumventus, afferens se diligenter examinasse, ac verum illud privilegium inventissimum, quod nos falso reperimus manifeste, eam absentibus Gurcen. Canonicus confirmavit. Nos igitur iis & aliis intellectis quæ partes coram nobis multipliciter allegarunt, interloquendo concessimus ut procurator Gurcen. Ecclesia probandi metum illum facultatem haberet, præstito juramento se illum postea didicisse; sive testes produxit, quos per dil. fil. n. L. Tituli sanctæ Crucis Presbyterum & G. sanctæ Mariæ in Portu Diaconum Card. examinari mandavimus & eorum depositiones conscripsi. Quia vero sacerdici Archiepiscopi procurator tam super hoc quam super eo quod Gurcen. spontanea voluntate sententias paruerunt, & quod tam metu quam malis eoram bo. me. Lucio Papa prædecessore nostro in judicio allegatis idem prædecessor noster per privilegij paginam præfata sententiam confirmavit, volebat in patria producere testes, discretione velut per apostolica scripta mandamus quatinus testes quos utrilibet pars super præmissis articulis & super transactione quæ post tempus sententia dicitur facta fuissent, aut in persona testium duxerit producendos, sublato cuiuslibet contradictionis & appellacionis obstaculo, circa festum omnium sanctorum in loco seculo partibus recipere procuretis, & attestations redactas in scriptis nobis fideliter transmittatis, ex tunc præfigentes ipsis partibus terminum competentem, quo re-

ceptura sententiam nostro se conspectui repræsentent; nisi forsan interim possent ad amicabilem venire concordiam, quam utrique parti credimus expedire. Nullis litteris obstantibus, si quæ apparuerint à sede apostolica præter assensum partium imperata. Quod si non omnes, duo vel strum &c. Datum Laterani XIV. Kal. April. anno decimo.

## CAPITVLO PATRACENSI.

**C**VM dilectus filius nobilis vir Guillelmus Campaniensis Princeps Achiae & vos pariter cum eodem nobis olim instanter supplicaveritis & deo-  
tè ut venerabilem fratrem nostrum . . Patracen. Archiepiscopum, tunc unanimi-  
ter electum à vobis, & ad sedem aposto-  
licam accedentem, vobis in pastorem  
concedere dignaremur, nos diligentius  
indagantes qualiter fuerat in ipsius elec-  
tione processum, quod per vos factum  
fuerat, tanquam minus licite procura-  
tum, cùm & vos fuisse minus canonice  
instituti, non duximus approbandum; sed  
necessitate pariter & utilitate penitatis,  
postquam de veritate negotij & statu ter-  
rae per juramenta sociorum ejusdem Ar-  
chiepiscopi tunc electi fuimus certiores  
effecti, de potestate nostra eum Ecclesia  
vestra pastorem constituimus & recto-  
rem, administrationem ipsi plenariam  
tam in spiritualibus quam in temporalibus  
concedentes. Licet autem de plenitudine  
potestatis, quam habemus Domino dis-  
ponente super Ecclesiæ universas, con-  
federationis munus potuisse eidem tunc  
temporis impeditissime, quia tamen volu-  
mus venerabili fratri nostro . . Patriarchæ  
Constantinopolitano, cui Ecclesia vestra  
asseritur esse subiecta, in hac parte deferre, ipsum ad Patriarcham remissimus me-  
moratum, ab eodem consecrationis gra-  
tiam recepturum. Verum idem Archiepiscopus guerrarum & turbationum peri-  
culis, quæ vigent in Romania partibus,  
impeditus, ejusdem Patriarchæ se non  
potuit conspectui præsentare, sed nec ex-  
pedire credebat, cùm idem Patriarcha  
tunc temporis eum consecrare nequivicerit,  
quia coepiscopos non habebat. Vnde  
Athenien. & Theban. electos ad suam  
præsentiam accedentes in Syriam destinavit,  
consecrationis munus inibi receptu-  
ros. Nos igitur eidem paterno compa-  
tientes affectu, qui semel & iterum ad se-  
dem apostolicam veniendo, præter labo-  
res multiplices, jacturas graves sustinuit &

Epis. 18.  
Vt Patracen.  
Archiepisco-  
pum in concor-  
dia electum  
tanquam co-  
rum verum Ar-  
chiepiscopum  
ratiant.

D ij



expensas, ei munus consecrationis impendimus, ipsum cum honore Pallei, plenitudo scilicet pontificalis officij, infigatum, cum gratia nostrae plenitudine remittentes exhibitum præfato Patriarchæ obedientiam & reverentiam tam debitam quam devotam, cum ex eo quod à nobis consecrationem accepit, nulli velimus præjudicium generari, ne forte, quod ab sit, inde injuriarum nascatur occasio unde jura nascuntur. Veruntamen si super Ecclesiæ vestrae statu jus vestrum prosequi volueritis, nos, qui, secundum Apostolum, sumus omnibus in iustitia debito, iustitiam vobis auctore Deo curabimus exhibere. Quocirca universitati vestra per apostolica scripta manda- mus quatinus eidem tanquam vestro Archiepiscopo intendatis, ejus salubria monita & præcepta recipientes humiliter & devotè. Datum Laterani VIII. Kal. Maij, anno decimo.

*.. ARCHIDIACONO ET. PRÆPOSITO  
de Setara Subdiacono nostro,  
Canonico Mediolanensi.*

Epist. 57.  
Vt causam que  
inter C. scola-  
rem & Iohannem  
Clericum  
veritur an-  
dian & fine  
debito termina-  
ment.

**D**Vdum bo. me.. Archidiacono Mediolanen, dedimus in mandatis ut dicit fil. C. Scolarem à.. Presbytero sancti Victoris quadraginta Martyrum, qui solus in ipsa Ecclesia ministrabat, in qua, sicut scolaris idem afferuit, quondam ministraverunt Clericus & sacerdos, in Clericum & fratrem ejusdem Ecclesia recipi faceret, cuius facultates idem scolaris propositus nullatenus immunitas. Sed Presbyter memoratus, ipsis Archidiaconi examen malitiosè declinans, Iohannem Clericum pro se ad nostram præsentiam destinavit, cui & præfato C. venerabilem fratrem nostrum B. Tranen. Archiepiscopum apostolice sedis Legatum tunc Subdiaconum & Capellum nostrum dedimus auditorem. Coram quo dictus Iohannes afferuit quod nequaquam sufficiebant duobus Clericis facultates Ecclesia memorata, adiciens quod prædictus C. non erat idoneus ad illius Ecclesiæ beneficium obtinendum. Vnde nos venerabili fratri nostro... Patriarchæ Hierosolymitano, tunc Episcopo Vercellensi, de illorum assensu mandavimus ut si prædictus C. legitimè coram ipso probaret quod facultates Ecclesiæ supradictæ immunita non essent, sed duobus sufficerent, & persona ejus esset idonea, Presbyterum supradictum ad receptionem ipsius per censuram ecclesiasti-

cam appellatione remota compelleret, contradictores vel rebelles, si qui forsitan apparerent, à præsumptione sua districione simili, cessante appellatione, compescens, alioquin perpetuum silentium scolari super hoc imponeret memorato. Testes etiam qui nominarentur eidem, si se gratia, odio, vel timore subtraherent, canonica districione, cessante appellatione, compelleret perhibere testimonium veritati. Cum autem præfatus scolaris ad probandum quod facultates Ecclesiæ immunita non essent, sed duobus sufficerent, ad prædicti Patriarchæ tunc Vercellen. Episcopi præsentiam multo-tiens accessisset, & idem Episcopus testes nominatos ab ipso, qui monitione præmissa noblebant veritati testimonium perhibere, interdicto supposuerit, venerabilis frater noster.. tunc Mediolanensis Archiepiscopus interdictum ipsum auctoritate propria relaxavit. Quare supradictus C. jus suum non potuit obtainere. Vnde tibi, fili Præposite, dedimus postmodum in præceptis ut inspectis attestacionibus jam receptis, quas volumus ut per censuram ecclesiastica tibi faceres exhiberi, secundum eas & alias, si quas partes legitimè ducerent proferendas, cum nondum essent, quæ recepta fuerant, publicatae, causam ipsam juxta tenorem præcedentium litterarum, sublato cuiuslibet contradictionis & appellatio-nis obstaculo, ratione prævia terminares. Partibus igitur propter hoc in tua postmodum præsentia constitutis, cum dictus C. ad probandum quod facultates Ecclesiæ suppetebant, quosdam patronos & parochianos Ecclesiæ ad ferendum testimonium nominasset, & ipsi licet, à te sa-pius moniti, nollent testimonium perhibere, quibusdam se rationibus excusantes, tu eos, nisi usque ad quindecim dies ex tunc venirent ad testimonium perhibendum, excommunicationis vinculo innodasti. sed ipsi ante præfixum diem ad sedem apostolicam provocarunt, quare non fuit ulterius in causa processum. Volentes igitur ut finis eidem controversiæ impo-natur, te, fili Archidiacone, cognitioni ejusdem causæ duximus adjungendum, præsentium vobis auctoritate præcipien-do mandantes quatinus laicis supradictis ad cautelam absolutionis beneficium im-pendatis, & causam ipsam juxta priorum litterarum continentiam, appellatione remora, ratione prævia terminetis, ita ut ex illa clausula, scilicet si persona fuerit